

BOSNA I HERCEGOVINA  
REPUBLIKA SRPSKA  
VRHOVNI SUD REPUBLIKE SRPSKE  
BROJ: 80 0 V 089065 20 Rev  
Banjaluka, 07.04.2021. godine

Vrhovni sud Republike Srpske u vijeću sastavljenom od sudija, Tanje Bundalo kao predsjednika vijeća, Davorke Delić i Gorjane Popadić, kao članova vijeća, u vanparničnom predmetu predлагаča P.M. iz G., zastupanog po punomoćniku L.B., advokatu iz B., protiv protivnika predлагаča Republike Srpske, zastupane po Pravobranilaštvo RS, radi naknade za ekspropriisane nekretnine, odlučujući o reviziji protivnika predлагаča protiv rješenja Okružnog suda u Bijeljini broj 80 0 V 089065 19 Gž 2 od 01.04.2020. godine, na sjednici održanoj dana 07.04.2021. godine, donio je

### RJEŠENJE

Revizija se usvaja, rješenje Okružnog suda u Bijeljini broj 80 0 V 089065 19 Gž 2 od 01.04.2020. godine se ukida i predmet se vraća istom sudu na ponovno suđenje.

#### Obrazloženje

Prvostepenim rješenjem Osnovnog suda u Bijeljini broj 80 0 V 089065 19 V 2 od 23.05.2019. godine obavezan je protivnik predлагаča da predлагаču na ime umanjene vrijednosti zbog nepotpune eksproprijacije po Rješenju RGU PJ B. broj ... od 30.09.2016. godine, isplati iznos od 62.095,00 KM i to za umanjenu vrijednost površine zemljišta od 1403 m<sup>2</sup>.

Obavezan je protivnik predлагаča da iznos od 62.095,00 KM sa pripadajućom zakonskom zateznom kamatom koja počinje teći od dana donošenja ove odluke pa do konačne isplate isplati u roku od 15 dana po pravosnažnosti ovog rješenja sve pod prijetnjom mjera koje su predviđene Zakonom o izvršnom postupku.

Naloženo je protivniku predлагаča da predлагаču naknadi troškove postupka u iznosu od 5.720,80 KM, u roku od 15 dana po pravosnažnosti ovog rješenja pod prijetnjom prinudne naplate.

Drugostepenim rješenjem Okružnog suda u Bijeljini broj 80 0 V 089065 19 Gž 2 od 01.04.2020. godine, djelimično je uvažena žalba predлагаča, a žalba protivnika predлагаča odbijena u cijelosti, pa je preinačeno rješenje Osnovnog suda u Bijeljini broj: 80 0 V 089065 19 V 2 od 23.05.2019. godine, tako što je protivnik predлагаča obavezan predлагаču isplatiti pravičnu naknadu u iznosu od 75.012,00 KM (umjesto 62.095,00 KM) za umanjenu vrijednost nepokretnosti – parcele kč. 194 k.o. G. nastale nepotpunom eksproprijacijom dijela ove parcele u površini od 1403 m<sup>2</sup>, a po rješenju o nepotpunoj eksproprijaciji RS RGU PJ B. od 22.3.2017.godine pod brojem ... i troškove postupka u visini od 2.050,80 KM (umjesto 5.720,80 KM) .

U preostalom dijelu prvostepeno rješenje je potvrđeno.

Blagovremeno izjavljenom revizijom drugostepeno rješenje pobija protivnik predлагаča iz razloga pogrešne primjene materijalnog prava, s prijedlogom da se revizija usvoji, pobijano rješenje ukine i predmet vrati na ponovno suđenje.

U odgovoru na reviziju predлагаč predlaže da se revizija protivnika predлагаča odbije.

Revizija je osnovana.

Predmet spora u ovom vanparničnom postupku je određivanje naknade za nekretnine eksproprijsane rješenjem Uprave, Poslovna jedinica B. od 22.03.2017. godine pod brojem ..., kojim se u svrhu izgradnje objekta energetske infrastrukture, gasovoda Š.– B., nepotpuno ekspropriju nekretnine predлагаča označene kao dio kč. 194, KO G., njiva III klase i to u dužini od 136,27 metara i širini 10 metara (ukupno 1403 m<sup>2</sup>), radi postavljanja gasovodnih cijevi, u korist Republike Srpske kao korisnika eksproprijacije.

Na osnovu izvedenih dokaza i rezultata cijelokupnog postupka prvostepeni sud je utvrdio: da se pravosnažnim rješenjem Uprave, Poslovna jedinica B. od 22.03.2017. godine, nepotpuno ekspropriju nekretnine predлагаča označene kao dio kč. 194, KO G., njiva III klase i to u dužini od 136,27 metara i širini 10 metara (ukupno 1403 m<sup>2</sup>) prema važećoj skici, radi postavljanja gasovodnih cijevi, u korist Republike Srpske kao korisnika eksproprijacije; da se u korist korisnika eksproprijacije u ovoj površini određuje uknjižba prava služnosti postavljanja gasovodnih cijevi, prolaza za potrebe izvođenja radova, nadzora i održavanja gasovoda; da je predлагаč upisan u registar poljoprivrednih gazdinstava i da je parcelu kč. 194 koja ima površinu od 7980 m<sup>2</sup> koristio za poljoprivrednu proizvodnju; da prema nalazu vještaka u upravnom postupku nakon gradnje gasovoda treba obezbijediti pojas širine 5 metara sa jedne i sa druge strane (koridor gasovoda) u kome je zabranjeno saditi biljke čije korijenje raste dublje od 1 metra, odnosno za koje je potrebno obrađivati zemljište dublje od 0,5 metara, te da u zaštitnom pojasu nije dozvoljena izgradnja objekata već te površine moraju ostati u funkciji poljoprivrednog zemljišta, saobraćaja, zaštitnog zelenila, da pravo služnosti i ograničenja u pogledu zabrane sadnje u koridoru gasovoda neće značajnije uticati na korištenje zemljišta, zbog čega se u tom nalazu naknada za zemljišta koja se nepotpuno ekspropriju okvirno procjenjuje na 1,00 KM/m<sup>2</sup>; da iz nalaza vještaka građevinske struke od 07.12.2017.godine proizlazi da je u stručnom mišljenju, urbanističko tehničkim uslovima i planu parcelacije navedeno da je u zaštitnom pojasu (30 metara lijevo i desno od ose cjevovoda), nakon izgradnje cjevovoda zabranjena gradnja, zgrada namijenjenih za stanovanje ili boravak ljudi, da je k.č. br. 194 u naravi njiva 3 klase površine 7980 m<sup>2</sup>, da se nalazi se u istočnom dijelu sela G. neposredno uz asvaltni put M.-K. na udaljenosti od 1 km jugozapadno od magistralnog pravca M-14.1 B.-Z., a 5,5 kilometara južno od ulaza Grad B., da se prema važećem prostornom planu Opštine B. („Sl.glasnik Opštine B.“ broj 5/03) predmetna kat. Parcela k.č. br. 194 nalazi dijelom na građevinskom, a dijelom na urbanom zemljištu, da je trenutni karakter zemljišta - ostalo građevinsko zemljište, da je tržišna vrijednost zemljišta nakon nepotpune eksproprijacije razlika između vrijednosti građevinskog i poljoprivrednog zemljišta, da je predлагаču prije eksproprijacije, 2015. godine firma M.s.i.s. d.o.o. R.-B. nudila za ovu parcelu cijenu od 13,70 KM po m<sup>2</sup>, a da je imajući u vidu i druge primjere iz šireg okruženja, tržišna vrijednost predmetnog građevinskog zemljišta eksproprijanog dijela 1403 m<sup>2</sup> iznosi 8 KM/m<sup>2</sup>, a naknada za pretvaranje poljoprivrednog u građevinsko zemljište 2,72 KM/m<sup>2</sup>, tako da vrijednost eksproprijanog dijela 1403 m<sup>2</sup> iznosi 7.407,84 KM (8 KM/m<sup>2</sup> - 2,72 KM/m<sup>2</sup> = 5,28 KM/m<sup>2</sup> x vrijednost eksproprijanog dijela 1403 m<sup>2</sup>

= 7.407,84 KM), a vrijednost poljoprivrednog zemljišta na ovom potezu je po saznanjima vještaka 1,20 KM/m<sup>2</sup>, tako da za površinu 6577 m<sup>2</sup> iznosi 26.834,16 KM (5,28 KM/m<sup>2</sup> - 1,20 KM/m<sup>2</sup> = 4,08 KM/m<sup>2</sup> x 6577 m<sup>2</sup>); da je u dopuni nalaza od 22.12.2017. godine ovaj vještak izvršio korekciju tržišne vrijednosti tako što navodi da je umanjena vrijednost zemljišta zbog nepotpune eksproprijacije je 54.264,00 KM i predstavlja razliku u cijeni između poljoprivrednog i građevinskog zemljišta koja se dobije kad se ukupna površina parcele od 7980 m<sup>2</sup> pomnoži sa 8 KM od čega se oduzme 1,20 KM po m<sup>2</sup>; da je u dopuni nalaza i mišljenja 30.04.2019. godine isti vještak, nakon uvida u Sporazum koje je B.g. zaključio sa K.M.1 i K.M.2. iz P. kojima je isplaćeno 10,50 KM po m<sup>2</sup>, zatim ponudu firme M.s.i.s. d.o.o. R.-B., gdje je vlasniku parcele ponuđena cijena od 13,70 KM po m<sup>2</sup>, cijena koje su utvrđene po stameno-poslovnim zonama koje su definisane odlukom o uređenju prostora i građevinskom zemljištu ("Sl. Glasnik Grada B." broj 11/14, 19/14, 21/14, 3/16 i 2/17) za područje cijele k.o. G. kao i dio područja k.o. P. utvrđena vrijednost građevinskog zemljišta u visini od 10,15 KM po m<sup>2</sup>, procijenio predmetno građevinsko zemljište ukupne površine 7.980 m<sup>2</sup> po 11,60 KM/m<sup>2</sup>, a kako je vrijednost poljoprivrednog zemljišta 1,10 KM/m<sup>2</sup>, zaključio da pravična naknada za zemljište koje predmet nepotpune eksproprijacije uključujući i naknadu štete koja se odnosi na gubljenje statusa građevinskog zemljišta na predmetnoj parceli iznosi 11,60 KM/m<sup>2</sup> - 1,10 KM/m<sup>2</sup> = 10,50 KM/m<sup>2</sup> x 7980 m<sup>2</sup> = 83.790 KM; da iz nalaza i mišljenja vještaka poljoprivredne struke P.J. od 23.08.2019. godine vrijednost poljoprivrednog zemljišta na ovom potezu iznosi 1,10 KM/m<sup>2</sup> ukoliko se zemljište posmatra kao poljoprivredno zemljište i da ono ima cijenu od 8.778,00 KM.

Kod ovako utvrđenog činjeničnog stanja prvostepeni sud nalazi da se ne mogu prihvati navodi protivnika predлагаča da je eksproprijirano zemljište po kulturi poljoprivredno zemljište i da kao takvo podliježe procjeni, jer iz obaviještenja lokalnih vlasti proizlazi da se na zemljištu može graditi, a posebno što se ne mogu prihvatići tvrdnje da ono što je upisano u katastru tačno.

Cijeneći da je predлагаč parcelu k.č. 194 koristio kao poljoprivredno zemljište, da je od ukupne površine parcele 7980 m<sup>2</sup> ustanovljena služnost na površini parcele od 1403 m<sup>2</sup>, da je na taj način vlasniku definitivno isključena mogućnost da ovu cijelu parcelu koristi, te objektivno došlo do smanjenja tržišne vrijednosti cijele parcele i da predлагаč više ne može promjeniti namjenu ovog zemljišta u građevinsko i kao takvo ga koristiti ili prodati, što se može posmatrati kao oblik izvjesne buduće štete, prvostepeni sud zaključuje da predлагаču pripada naknada koja predstavlja razliku vrijednosti ovog zemljišta kao građevinskog i njegove vrijednosti kao poljoprivrednog zemljišta, te je obavezao protivnika predлагаča da predлагаču na ime naknade za nepotpunu eksproprijaciju odnosno umanjenu vrijednost nekretnina na tržištu isplati iznos od 62.095,00 KM (10,50 KM/m<sup>2</sup> x 7980 m<sup>2</sup> = 83.790,00 KM - vrijednost rente od 21.705,00 KM = 62.095,00 KM), pozivom na odredbu člana 54. Zakona o eksproprijaciji („Sl. glasnik RS“, broj 112/06, 37/07, 66/08, 110/08 i 79/15, u daljem tekstu: ZE).

Drugostepeni sud je žalbu protivnika predлагаča odbio, a djelimično uvažio žalbu predлагаča, te je preinačio prvostepeno rješenje tako što je protivnika predлагаča obavezao da predлагаču isplatiti pravičnu naknadu u iznosu od 75.012,00 KM (umjesto 62.095,00 KM) za umanjenu vrijednost nepokretnosti – parcele k.č. 194 k.o. G. nastale nepotpunom eksproprijacijom dijela ove parcele u površini od 1403 m<sup>2</sup>, te preinačio i odluku o troškovima postupka i iste dosudio u visini od 2.050,80 KM (umjesto 5.720,80 KM), dok je u preostalom dijelu prvostepeno rješenje potvrđeno, temeljem odredbe člana 229. stav 1. tačka 4. u vezi sa odredbom člana 235. tačka 3.

Zakona o parničnom postupku („Službeni glasnik RS“ broj 58/03, 85/03, 74/05, 63/07, 49/09 i 61/13, u daljem tekstu: ZPP).

Obrazložio je da je tržišna vrijednost ovog zemljišta, bez obzira na njen faktički status, očito oko 10,50 /m<sup>2</sup>, jer i iz nalaza vještaka građevinske struke slijedi da se predmetno zemljište i to cijela parcela 194. u vrijeme eksproprijacije već mogla prometovati po cijeni od 10,50 KM, koja u suštini odgovara tržišnoj vrijednosti građevinskog zemljišta u ovom području, pa upisani status zemljišta u javnim evidencijama i činjenica da se predmetno zemljište u rješenju o nepotpunoj eksproprijaciji vodi kao „njiva III klase“ nema značaja na utvrđenu tržišnu vrijednost tog zemljišta, koje je u vrijeme eksproprijacije imalo veću tržišnu vrijednost, iz razloga što se značajnom širinom nalazi uz lokalni put, uz objekte individualnog stanovanja, a i po važećem prostornom planu opštine B. (iz 2003.godine) parcela kč 194 je dijelom u građevinskom, a dijelom na urbanom zemljištu.

Stoga po ocjeni drugostepenog suda činjenice iz postupka ukazuju da je vrijednost zemljišta nakon nepotpune eksproprijacije smanjena i da se ovo zemljište ne može procjenjivati samo kao poljoprivredno, jer ako i jeste poljoprivredno, njegova tržišna cijena je dostigla vrijednost građevinskog zemljišta već u vrijeme eksproprijacije, a nakon nepotpune eksproprijacije, ovo zemljište se izvjesno više ne može koristiti kao građevinsko zemljište. Pri tome zbog zabrane gradnje po 30 m<sup>2</sup> sa obje strane ose gasovoda, koje poklapa gotovo cijelu parcelu (jer ostaci parcele zbog oblika i površine objektivno više ne mogu biti korišteni kao eventualno građevinsko zemljište), poslije nepotpune eksproprijacije cijela parcela može biti korištena isključivo kao poljoprivredno zemljište, pa je njena tržišna vrijednost od tada po 1,10 KM /m<sup>2</sup>.

Iz navedenih razloga drugostepeni sud u konačnom zaključuje da u ovom slučaju nije od značaja činjenica da se za pretvaranje statusa poljoprivrednog zemljišta u građevinsko mora isplatiti određena naknada, te da shodno odredbi članom 69. ZE (pravilno član 64. ZE), smanjena vrijednost cijele parcele površine od 7.980 m<sup>2</sup> i izvjesne štete koju predлагаč trpi kao posljedicu nepotpune eksproprijacije, predstavlja razlika između dotadašnje tržišne vrijednosti parcele kao da je građevinsko zemljište i sadašnje vrijednosti kao poljoprivrednog zemljišta, tako da razlika vrijednosti parcele površine od 7.980,00 m<sup>2</sup> po cijeni od 10,50 KM /m<sup>2</sup> (83.790,00 KM ) i preostale vrijednosti po cijeni od 1,10 KM/m<sup>2</sup> (8.778,00 KM) koju sada ima, iznosi 75.012,00 KM, što predstavlja pravičnu naknadu za nepotpunu eksproprijaciju u predmetnoj pravnoj stvari.

Revizijom protivnika predлагаča osnovano se ukazuje da pobijana odluka nije pravilna.

Eksproprijacija je oduzimanje ili ograničenje prava vlasništva na nekretnini uz pravičnu naknadu koja ne može biti niža od tržišne vrijednosti nekretnine (člana 2. ZE).

Odredbom člana 6. stav 3. ZE propisuje se da se izuzetno eksproprijacijom može ustanoviti služnost radi postavljanja vodovodnih i kanalizacionih cijevi, elektičnih i telefonskih kablova, gasovoda i u drugim slučajevima određenim zakonom, odnosno propisuje se nepotpuna eksproprijacija u smislu člana 8. stav 1. ovog zakona.

Kada je u pitanju nepotpuna eksproprijacija, korisnik eksproprijacije ne stiče pravo vlasništva, već ograničeno pravo posjeda i mogućnost prolaza za potrebe izvođenja radova, nadzora i održavanja. Istovremeno, vlasnik se ograničava da predmetno zemljište koristi u određene svrhe, te mu se ograničava pravo pristupa izgrađenoj infrastrukturi.

Koje nekretnine se eksproprišu određuje se rješenjem kojim se usvaja prijedlog za eksproprijaciju, koje sadrži između ostalog i označenje nepokretnosti koja se ekspropriše (član 30. stav 1. tačka g) ZE). Ovo važi i u slučaju potpune i nepotpune eksproprijacije, pa su u postupku određivanja naknade za eksproprijsane nekretnine u pogledu karaktera zemljišta koje je predmet eksproprijacije sudovi vezani za rješenje o eksproprijaciji kojim je određeno koje nekretnine se eksproprišu i njihov status. Tako je za ocjenu pravnog tretmana zemljišta bitno kakav je karakter zemljište imalo u vrijeme eksproprijacije (da li je građevinsko ili poljoprivredno).

U konkretnom slučaju pravosnažnim rješenjem Uprave, Područna jedinica B. od 22.03.2017. godine, nepotpuno se eksproprišu nekretnine predлагаča označene kao dio kč. 194, KO G., njiva III klase i to u dužini od 136,27 metara i širini 10 metara (ukupno 1403 m<sup>2</sup>), radi postavljanja gasovodnih cijevi, u korist Republike Srpske kao korisnika eksproprijacije i u korist korisnika eksproprijacije u ovoj površini se određuje uknjižba prava služnosti postavljanja gasovodnih cijevi, prolaza za potrebe izvođenja radova, nadzora i održavanja gasovoda.

Predлагаč nije ovo rješenje pobijao žalbom, što je mogao ukoliko je smatrao da nije pravilno utvrđena struktura nepotpuno eksproprijsane nepokretnosti. Zato se može zaključiti da zemljište predлагаča (kč. 194) na kome je izvršena nepotpuna eksproprijacija ima karakter poljoprivrednog zemljišta, bez obzira što se prema važećem prostornom planu Opštine B. predmetna kat. parcela k.č. br. 194 nalazi dijelom na građevinskom, a dijelom na urbanom zemljištu i da je trenutni karakter zemljišta - ostalo građevinsko zemljište, jer se shodno odredbi člana 3. stav 2. Zakona o poljoprivrednom zemljištu („Službeni glasnik Republike Srpske“ broj 93/06 do 5/12) poljoprivrednim zemljištem smatra i ono zemljište kome je planskim aktima Republike Srpske, opština i gradova utvrđena druga namjena, sve dok se za to zemljište u postupku privođenja planiranoj namjeni ne plati naknada za promjenu namjene u skladu sa tim zakonom.

Kako u konkretnom slučaju nije došlo do pretvaranja poljoprivrednog zemljišta u građevinsko u smislu navedene odredbe, a ni predлагаč nije platio naknadu na ime toga, nesumnjivo je da je parcela kč. 194, njiva III klase, a tako i dio iste koji se nepotpuno ekspropriše, u vrijeme donošenja rješenja o eksproprijaciji imala karakter poljoprivrednog zemljišta.

U slučaju ustanovljenja služnosti naknada se određuje u iznosu za koji je uslijed ustanovljene služnosti umanjena tržišna vrijednost nepokretnosti, kao i za nastalu štetu (član 64. ZE). To u konkretnom slučaju znači da je za odluku o visini naknade bitno utvrditi tržišnu vrijednost k.č. 194 kao poljoprivrednog zemljišta prije nepotpune eksproprijacije i nakon toga, odnosno da li je i eventualno u kom obimu zbog polaganja cijevi gasovoda smanjena njena tržišna vrijednost, jer bi predlagajući pripadala naknada u visini razlike tržišne vrijednosti tog zemljišta prije i nakon eksproprijacije.

Dalje, potrebno je utvrditi da li je nepotpunom eksproprijacijom za vlasnika nastala šteta, odnosno da li predlagajući, u odnosu na način korištenja zemljišta do tada, zbog ograničenja korištenja parcele u koridoru gasovoda i zaštitnom pojusu nastalih nepotpunom eksproprijacijom, trpi štetu, te da li eventualno trpi i neku drugu štetu zbog nepotpune eksproprijacije.

Nije sporno da je i prije nepotpune eksproprijacije k.č. br. 194 od strane predlagajuća i korištena kao poljoprivredno zemljište.

Nepotpunom eksproprijacijom ograničava se pravo predлагаča na kč. 194, tako što nakon gradnje gasovoda treba obezbijediti pojas širine 5 metara sa jedne i sa druge strane (koridor gasovoda) u kome je zabranjeno saditi biljke čije korijenje raste dublje od 1 metra, odnosno za koje je potrebno obrađivati zemljište dublje od 0,5 metara, kao i time da je u zaštitnom pojusu (30 metara lijevo i desno od ose cjevovoda), nakon izgradnje cjevovoda zabranjena gradnja zgrada namijenjenih za stanovanje ili boravak ljudi, nije dozvoljena izgradnja objekata već te površine moraju ostati u funkciji poljoprivrednog zemljišta, saobraćaja, zaštitnog zelenila.

Prema nalazu vještaka poljoprivredne struke na kč. 194, je trenutno (u vrijeme izrade nalaza) predлагаč zasiao pšenicu. Ovaj vješetak se izjasnio da na predmetnoj parceli, bez obzira na postavljeni cjevovod, postoji mogućnost bavljenja svim vrstama poljoprivredne proizvodnje (ratarske i povrtarske), izuzev voćarske na dijelu parcele gdje su postavljene cijevi gasovoda. Pored toga, vješatak se izjasnio da se nakon nepotpune eksproprijacije ova parcela može prometovati isključivo kao poljoprivredno zemljište čija tržišna vrijednost je 1,10 KM/m<sup>2</sup>.

Slijedom navedenog, osnovano se revizijom ukazuje na pogrešan zaključak drugostepenog suda da je vlasniku isključena mogućnost da ovu cijelu parcelu koristi, da je došlo do smanjenja tržišne vrijednosti cijele parcele, da u budućnosti to zemljište neće moći biti korišteno kao građevinsko, te da naknada koja pripada predlagajuću predstavlja razliku između dotadašnje tržišne vrijednosti parcele kao da je građevinsko zemljište i sadašnje vrijednosti kao poljoprivrednog zemljišta, jer se radi o poljoprivrednom zemljištu koje je predlagajuć kao takvo i koristio. Zato činjenica što to zemljište u budućnosti predlagajuć ne može koristiti kao građevinsko nije od značaja za visinu naknade, niti za ograničenja zabrane gradnje koja su predviđena u zaštitnom pojusu.

Iz navedenih razloga osnovano prigovara protivnik predlagajuća da je osporavao i samo vještačenje po vještaku građevinske struke i da se odluka nije mogla zasnovati na nalazu i mišljenju vještaka građevinske struke, bez obzira na obrazloženje suda u tom pravcu, jer je odlučna činjenica da je to zemljište u vrijeme eksproprijacije imalo status poljoprivrednog zemljišta.

S obzirom na izloženo, odluka o naknadi za nepotpuno eksproprisane nekretnine predlagajuća utemeljena na pogrešnoj primjeni materijalnog prava, odredbe člana 64. ZE, zbog čega nisu utvrđene sve činjenice relevantne za utvrđivanje naknade.

Stoga je valjalo odlučiti kao u izreci ovog rješenja, na osnovu člana 250. stav 2. u vezi sa članom 254. stav 4. ZPP i članom 2. stav 2. Zakona o vanparničnom postupku („Službeni glasnik Republike Srpske“ broj 36/09 i 91/16).

U ponovnom postupku drugostepeni sud će imati u vidu razloge koji su dati u ovom rješenju, te će pravilnom primjenom materijalnog i procesnog prava donijeti na zakonu zasnovanu odluku.

Predsjednik vijeća  
Tanja Bundalo

Za tačnost otpravka ovjerava  
Rukovodilac sudske pisarnice  
Biljana Aćić